



ხელშეკრულება N 214

ქ. თბილისი

08 მაისი, 2019 წელი

შპს „სან პეტროლიუმ ჯორჯია“ (შემდგომში „გამყიდველი“), წარმოდგენილი მისი კორპორატიული და საბითუმო გაყიდვების დეპარტამენტის უფროსის თეონა ონიკაძის სახით

სსიპ „სურსათის ეროვნული სააგენტო“ (შემდგომში „მყიდველი“), წარმოდგენილი მისი სააგენტოს უფროსის მოვალეობის შემსრულებლის ვასილ ბასილაძის სახით,

სახელმწიფო შესყიდვების შესახებ საქართველოს კანონის, ნავთობპოდუციის [სავტომობილო საწვავის] 2019 წლის კონსოლიდირებული ტერდერის CON 190000163; და CON 180000112; სატენდერო დოკუმენტაციის 5.15 პუნქტისა /სავტომობილო საწვავის შესყიდვა 15კმ -ზე მეტი მანძლით დაშორებისა და რაცინალური ხარჯის პრიცენტის გათვალისწინებით არაგარჯებებული მიმწოდებლისაგან/ და სატენდერო კომისიის მიერ კონსოლიდირებული ტენდერების მენეჯმენტის სისტემის მეშვეობით [CTD.SPA.GE] 2019 წლის 08 მაისს გაცემული ნებართვა № 20436 -ისა და ნებართვა № 20437 -ის საფუძველზე;

ვდებთ წინამდებარე ხელშეკრულებას [შემდგომში „ხელშეკრულება“] და ვთანხმდებით შემდეგზე:

1. „ხელშეკრულებაში“ გამოყენებულ ტერმინთა განმარტება

1.1. წინამდებარე „ხელშეკრულების“ მიზნებისათვის, „ხელშეკრულებაში“ გამოყენებულ ტერმინებს აქვს შემდეგი მნიშვნელობა:

- ა) ანგარიში - „მყიდველის“ ვირტუალური (ინტერნეტ) ანგარიში, რომელსაც „გამყიდველი“ ქმნის „ხელშეკრულების“ საფუძველზე და, რომელთან წვდომაც „მყიდველს“ აქვს ე.წ. Log in -ისა და პასვორდის მეშვეობით;
- ბ) Log in -ი და პასვორდი - მონაცემთა (სიმბოლოების/ციფრების) კომბინაცია, რაც უზრუნველყოფს „მყიდველის“ წვდომას ანგარიშთან და, რომელთაგან ე.წ. Log in-ი „მყიდველს“ ენიჭება „გამყიდველის“ მიერ და არის უნიკალური და უცვლადი, ხოლო, პასვორდს „მყიდველი“ ირჩევს თავად, საკუთარი შეხედულებისამებრ;
- გ) ბარათ(ებ)ი - მრავალჯერადი გამოყენების, უვადო, პლასტიკური ბარათ(ებ)ი, რომელიც დაკავშირებულია (მიბმულია) „მყიდველის“ ანგარიშთან, რომელზედაც „მყიდველი“ საკუთარი შეხედულებისამებრ ანთავსებს სასურველი სახეობისა (მარკისა) და ოდენობის საწვავს (განსაზღვრავს ლიმიტს);
- დ) საწვავი - სხვადასხვა მარკის (იუტანიბის) ბენზინი ან/და დიზელი;
- ე) საწვავის ფასი - „გამყიდველის“ საფასო პოლიტიკის მიხედვით, საწვავის მოთხოვნილი სახეობის/მარკისა და რაოდენობის შესაბამისად დაანგარიშებული საწვავის ღირებულება, ფასდაკლების გათვალისწინებით (ფასდაკლებაზე შეთანხმების არსებობის შემთხვევაში) დღგ-ს ჩათვლით;
- ვ) ფასდაკლება - საგადასახადო ანგარიშ-ფაქტურის გამოწერის დღეს „გამყიდველის“ საცალო ქსელში დაფიქსირებული კონკრეტული სახეობის/მარკის საწვავის ერთი ლიტრის ღირებულებას გამოკლებული ფასდაკლების მოცულობა, დღგ-ს ჩათვლით; ფასდაკლების მოცულობა ყოველითვის შეიცავს დღგ-ს ჩათვლით თანხას; ფასდაკლების მოცულობა დღინდება „გამყიდველის“ საფასო პოლიტიკის საფუძველზე;
- ზ) საწვავის მიწოდება ბარათ(ებ)ის მეშვეობოთ - „გამყიდველის“ ბრენდირებულ ავტო-გასამართ სადგურზე (აგს) მექანიკური სატრანსპორტო საშუალებისათვის საწვავის მიწოდება მოთხოვნილი ოდენობით, მაგრამ, ნებისმიერ შემთხვევაში, მხოლოდ ბარათზე განსაზღვრული ლიმიტის ფარგლებში (ბარათზე განთავსებული საწვავის მარკისა და ოდენობის მიხედვით);
- თ) საწვავის მიწოდება ტალონ(ებ)ის მეშვეობით - „გამყიდველის“ აგს-ეზზე მექანიკური სატრანსპორტო საშუალებისათვის საწვავის მიწოდება მოთხოვნილი ოდენობით, მაგრამ, ნებისმიერ შემთხვევაში, მხოლოდ ბარათზე განსაზღვრული ლიმიტის შემთხვევაში, მხოლოდ ბარათ(ებ)ის მიწოდებით;
- ი) ლიმიტი - „მხარეთა“ მიერ შეთანხმებული ზღვრული მაჩვენებელი, რომლითაც შემოიზღუდება „მყიდველის“ მიერ საწვავის კონსიგნაციით შეძენის შესაძლებლობა; ლიმიტი შეიძლება გამოიხატოს საწვავის მოცულობის შეზღუდვაში ან თანხობრივ ფორმაში;
- კ) ბრენდირებული აგს-ი - „გამყიდველის“ მართვაში არსებული აგს-ი, რომელიც განირჩევა კონკურენტებისაგან GULF-ის ლოგოთი და სხვა GULF-თან დაკავშირებული სიმბოლიკით;
- ლ) ხელშეკრულების შესრულების ადგილი - საქართველო, ქ. თბილისი.

2. „ხელშეკრულების“ საგანი

2.1. წინამდებარე „ხელშეკრულების“ საგანია ბარათ(ებ)ის ან/და ტალონ(ებ)ის მეშვეობით „მიმწოდებლის“ ავტო-გასამართ სადგურებზე „შემსყიდველისათვის“ საავტომობილო საწვავის, მიწოდება, კერძოდ: 5200 [ხუთი ათას ორასი] ლიტრი ევრო რეგულარის CPV - 09132000 და 141000 [ას ორმოცდაერთი ათასი] ლიტრი G -Force ევრო დიზელის CPV - 09134200 მარკის/ტიპის სავტომობილო საწვავის შესყიდვა.

2.2. „გამყიდველი“ უფლებამოსილია, დროებით შეაჩეროს აგს-დან საწვავის მიწოდება აგს-ზე კონკრეტული მარკის საწვავის არქონის, საწვავის მიღების ან სხვ. პატივსადები მიზეზის არსებობისას.



2.3. აგს-ზე საწვავის მიწოდებისას „მყიდველი“ (ზარათის/ტალონის წარმდგენი პირი) ვალდებულია, განუხრელად დაიცვას აგს-ზე დადგენილი ხანძარსაწინააღმდეგო და უსაფრთხოების სხვა ნორმები და წესები.

3. საწვავის მიწოდება ბარათ(ებ)ის მეშვებოთ

3.1. „ხელშეკრულების“ 2.1. პუნქტით განსაზღვრული საწვავის შესყიდულ რაოდენობას „გამყიდველი“ „მყიდველის“ ანგარიშზე აქტიურებს „მყიდველის“ მიერ დადასტურების ან/და შესყიდული საწვავის „მყიდველის“ მიერ წერილობითი (მათ შორის ელექტრონული ფოსტის მეშვეობით) ფორმით გამყიდველისათვის მიცემული შეკვეთის შესაბამისად. მყიდველის შეკვეთაში, სავალდებულო წესით, ეთითება მოთხოვნილი საწვავის დასახელება, რაოდენობა, საწვავის მიწოდების ფორმა.

3.2. „ხელშეკრულების“ 3.1. პუნქტით განსაზღვრული მომენტიდან „მყიდველი“ უფლებამოსილია საკუთარი შეხედულებისამებრ განკარგოს საწვავის შესყიდული რაოდენობა, გაანაწილოს საწვავი ბარათებზე (განსაზღვროს ლიმიტები), ბარათების მეშვეობით „გამყიდველის“ ბრენდირებულ აგს-ებზე ფაქტობრივად მიიღოს საწვავი, გადასცეს ბარათები ნებისმიერ პირს შემდგომი სარგებლობისათვის (საწვავის ფაქტობრივად მისაღებად).

3.3. „გამყიდველი“ საწვავის ფაქტობრივად მიწოდებას ახორციელებს ბრენდირებული აგს-ების მეშვეობით, ბარათ(ებ)ის წარდგენის საფუძველზე (ბარათ(ებ)ის წარმდგენ ნებისმიერ პირზე), ბარათ(ებ)ის წარმდგენის მიერ მოთხოვნილი ოდენობით, მაგრამ, ნებისმიერ შემთხვევაში, მხოლოდ ბარათზე განსაზღვრული ლიმიტის ფარგლებში (ბარათზე განთავსებული საწვავის მარკისა და ოდენობის მიხედვით) და იმ შემთხვევაში, თუ ბარათ(ებ)ი ამ ხელშეკრულებით დადგენილი წესით არ არის გაუქმებული/ბლოკირებული და წარდგენილ ბარათ(ებ)ზე დაშვებულია ტრანზაქციის შესრულება.

3.4. „გამყიდველი“ „მყიდველისათვის“ ბარათ(ებ)ს ამზადებს „მყიდველის“ მიერ მოთხოვნილი ოაოდენობით, შესაბამისი განაცხადის (ელექტრონული ან/წერილობითი ფორმით) საფუძველზე. „გამყიდველი“ „მყიდველს“ მოთხოვნილი ოაოდენობის ბარათ(ებ)ს გადასცემს 3 (სამი) სამუშაო დღის ვადაში შესაბამისი განაცხადის მიღებიდან.

3.5. ბარათ(ებ)ის „მყიდველისათვის“ გადაცემა ფორმდება მიღება-ჩაბარების აქტით. მიღება-ჩაბარების აქტის ორმხრივად ხელმოწერის მომენტიდან „მყიდველზე“ გადადის ბარათის დაზიანების, განადგურების ან/და დაკარგვის (მათ შორის ქურდობის, ძარცვის, ყაჩაღობის ან/და სხვა ნებისმიერი გზით ბარათ(ებ)ის „მყიდველის“ მფლობელობიდან გამოსვლის) რისკი. „გამყიდველი“ პასუხს არ აგებს ბარათ(ებ)ის დაზიანებით, განადგურებით ან/და დაკარგვით (მათ შორის ქურდობის, ძარცვის, ყაჩაღობის ან/და სხვა ნებისმიერი გზით ბარათ(ებ)ის „მყიდველის“ მფლობელობიდან გამოსვლით) ნებისმიერი პირის წინაშე დამდგარ ყველა და ნებისმიერი სახის ზიანზე.

3.6. „მყიდველი“ ვალდებულია ბარათ(ებ)ის მისაღებად წარმოადგინოს პირი, რომლის უფლებამოსილებაც დადასტურებული იქნება ამონაწერით სამეწარმეო რეესტრიდან ან შესაბამისი მინდობილობით/რწმუნებულებით. მინდობილობაში/რწმუნებულებაში მითითებული უნდა იყოს ბარათ(ებ)ის მიღებისა და შესაბამის მიღება-ჩაბარების აქტზე ხელმოწერის უფლებამოსილ პირზე (პირზე, რომლის უფლებამოსილებაც არ დასტურდება „გამყიდველის“ ხელთ არსებული მონაცემებით) ბარათ(ებ)ი არ გაიცემა. „მყიდველი“ ვალდებულია, წერილობითი ფორმით, დაუყოვნებლივ შეატყობინოს „გამყიდველის“ ბარათ(ებ)ის მიღებაზე უფლებამოსილი პირის ცვლილების შესახებ, წინააღმდეგ შემთხვევაში, „გამყიდველი“ პასუხს არ აგებს ასეთი შეუტყობინებლობით „მყიდველის“ წინაშე დამდგარ ნებისმიერ შესაძლო ზიანზე.

3.7. „მყიდველი“ ვალდებულია, დაუყოვნებლივ შეატყობინოს „გამყიდველის“ ბარათ(ებ)ის დაზიანების, განადგურების, დაკარგვის ან/და სხვა ნებისმიერი გზით „მყიდველის“ ნების საწინააღმდეგოდ ბარათ(ებ)ის „მყიდველის“ მფლობელობიდან გასვლის შესახებ.

3.8. „ხელშეკრულების“ 3.7. პუნქტით გათვალისწინებულ შემთხვევაში, „გამყიდველი“ დაუყოვნებლივ დაბლოკავს „მყიდველის“ შეტყობინებაში მითითებულ ბარათებს ისე, რომ შეუძლებელი იყოს ასეთი ბარათ(ებ)ით ბრენდირებულ აგს-ებზე საწვავის მიღება.

3.9. „გამყიდველი“ უფლებამოსილია ყოველგვარი დამატებითი გაფრთხილების გარეშე გააუქმოს ან/და დაბლოკოს „მყიდველისათვის“ გადაცემული ბარათ(ებ)ი იმ შემთხვევაში, თუ აღნიშნულ ბარათ(ებ)ზე უწყვეტი 6 (ექვსი) თვეის მანძილზე არ განხორციელდება რაიმე სახის ტრანზაქცია.

3.10. იმ შემთხვევაში, თუ „მყიდველი“ „გამყიდველს“ „ხელშეკრულებით“ დადგენილი წესით, წერილობითი ფორმით არ აცნობებს ბარათ(ებ)ის დაზიანების, განადგურების ან/და სხვა ნებისმიერი გზით „მყიდველის“ ნების საწინააღმდეგოდ ბარათ(ებ)ის „მყიდველის“ მფლობელობიდან გასვლის შესახებ, ითვლება, რომ ბარათ(ებ)ი მოქმედია ამ „ხელშეკრულებით“ დადგენილი წესით და „გამყიდველი“ ასეთი ბარათ(ებ)ის ბრენდირებულ აგს-ებზე წარდგენის შემთხვევაში განახორციელებს საწვავის მიწოდებას, რაც შესაბამისად აისახება ბარათ(ებ)ზე განსაზღვრული ლიმიტის ცვლილებაში. საწვავის ამ პუნქტით გათვალისწინებულ შემთხვევაში განხორციელებულ მიწოდებაზე „მყიდველის“ შედავება/პრეტენზია არ დაიშვება/მიიღება და შესაძლო ზიანის ანაზღაურებასთან დაკავშირებით გამოიყენება „ხელშეკრულების 3.5. პუნქტით დადგენილი წესი.



4. საწვავის მიწოდება ტალონ(ებ)ის მეშვეობით

- 4.1. „გამყიდველი“ „მყიდველი“ საწვავის ტალონებს გადასცემს მიღება-ჩაბარების აქტის საფუძველზე;
- 4.2. მიღება-ჩაბარების აქტი მოიცავს საწვავის სახეობას, ტალონების ნომინალს და ინდივიდუალურ ნომერს, საწვავის საერთო რაოდენობასა და საწვავის ფასს;
- 4.3. მიღება-ჩაბარების აქტით ტალონების გადაცემის შემდეგ „მყიდველზე“ გადადის ტალონების დაზიანების, განადგურების და დაკარგვის რისკი, „გამყიდველი“ თავისუფლდება ტალონების გამოცვლის, ან დაკარგვით გამოწვეული რაიმე სახის ზიანის ანაზღაურების ვალდებულებისგან;
- 4.4. ყოველგვარი გაუგებრობის თავიდან აცილების მიზნით „მხარეები“ თანხმდებან, რომ საწვავის ტალონ(ები) არის ვადიანი და მისი, (ტალონის) გამოყენების ვადა განისაზღვრება კონკრეტულ ტალონზე დატანილი/მითითებული თარიღის შესაბამისად. აქვე „მხარეები“ თანხმდებან, ხოლო „მყიდველი“ ადასტურებს, რომ საწვავის ტალონზე მითითებული/დატანილი ვადის გასვლის შემდეგ კონკრეტული ტალონი იქნება გამოყენებისათვის უვარესი, კერძოდ აღნიშნული (ვადაგასული) ტალონის აგს-ზე წარმოდგენის შემთხვევაში „გამყიდველი“ არ განახორციელებს შესაბამის ტრანზაქციას, რაზედაც მას (მყიდველს) არ ექნება რაიმე სახის პრეტეზია ან/და მოთხოვნა „გამყიდველის“ მიმართ. ასევე „მყიდველზე“ გადაცემული ტალონები არ ეჭვებარება უკან დაბრუნებას ან სხვა სახეობის ტალონებზე გადაცვლას;
- 4.5. ტალონ(ები)ით საწვავის გაცემისას, დაუშვებელია ავტო-გასამრთ სადურზე წარმოდგენილი ტალონ(ები)ის ნაწილობრივი განადდება, ასევე, სრულად ან ნაწილობრივ კონვერტაცია თანხაში.
- 4.6. „გამყიდველი“ „მყიდველის“ უფლებამოსილ პირს „მყიდველის“ მიერ მოთხოვნილი საწვავის ტალონებს ვადასცემს 3 (სამი) სამუშაო დღეში, სამუშაო საათებში. საწვავის ტალონების მისაღებად, „მყიდველის“ უფლებამოსილ პირს, სავალდებულო წესით, უნდა ჰქონდეს ტალონების მიღებაზე უფლების დამდგენი დოკუმენტი, წინააღმდეგ შემთხვევაში, „გამყიდველი“ უფლებამოსილია არ გასცეს საწვავის ტალონები. ამასთან, „მყიდველი“ ვალდებულია, უფლებამოსილი პირის ცვლილების შესახებ დაუყოვნებლივ აცნობოს „ამყიდველს“ და წარუდგინოს შესაბამისი დოკუმენტები.

5. ფასი და ანგარიშსწორება

- 5.1. მხარეები თანხმდებან, რომ ფასი განისაზღვრება ანგარიშ-ფაქტურის გამოწერის დღეს „მიმწოდებლის“ საცალო ქსელში დაფიქსირებულ ერთი ლიტრი ვერო რეგულარის ღრიებულება შეადგენს 2,15 ლარს და ერთი ლიტრი G-Force ვერო დიზელის ღირებულება შეადგენს 2,39 ლარს ხოლო, წინამდებარე „ხელშეკრულებით“ განსაზღვრული გასაყიდი საწვავის სრული ღირებულება შეადგენს 348170 [სამას ორმოცდარვა ათას ოთხას ოცდაათი] ლარს დღგ -ს ჩათვლით (საწვავის ფასდაკლებული ღირებულება), ამასთან, მხარეები თანხმდებან, რომ საწვავის ფასის საწვავის ფასდაკლებული ღირებულება შეიცავს საწვავის შენახვასთან და ბრენდირებულ აგს-ებზე მიწოდებასთან დაკავშირებულ ყველა ხარჯს.
- 5.2. „გამყიდველის“ მიერ შეთავაზებულ ფასდაკლების მოცულობაზე „მყიდველის“ თანხმობის შემთხვევაში, საწვავის ყოველი კონკრეტული შესყიდვისას, საწვავის ფასი განისაზღვრება საგადასახადო ანგარიშ-ფაქტურის გამოწერის დღეს „მიმწოდებლის“ საცალო ქსელში დაფიქსირებულ ერთი ლიტრი კონკრეტული საწვავის ფასს მინუს შეთანხმებული ფასდაკლების მოცულობა. საწვავის ფასი მიეთითება „გამყიდველის“ მიერ გამოწერილ საგადასახადო ანგარიშ-ფაქტურაში. საწვავის ფასი შეიცავს საწვავის შენახვასთან და აგს-ებზე მიწოდებასთან დაკავშირებულ ყველა ხარჯს.
- 5.3. „მყიდველი“ ვალდებულია, მიღებისთანავე დაადასტუროს „გამყიდველის“ მიერ გამოწერილი საგადასახადო ანგარიშ-ფაქტურა. „მყიდველის“ მიერ საგადასახადო ანგარიშ-ფაქტურის დადასტურებამდე, „გამყიდველი“ უფლებამოსილია არ მიაწოდოს „შემსყიდველს“ საწვავი.
- 5.4. საწვავის ფასის ან/და ფასდაკლების მოცულობის შეცვლა შესაძლებელია მხარეთა წერილობითი შეთანხმებით, რაც აისახება ამ ხელშეკრულების დანართებში, ინვოისებში, შესაბამის მიღება-ჩაბარების აქტებსა და საგადასახადო ანგარიშ-ფაქტურებში.
- 5.5. „მიმწოდებელი“ უფლებამოსილია, თავისი შეხედულებისამებრ, ნებისმიერ დროს, ცალმხრივად გადახედოს საფასო პოლიტიკას, რის შესახებაც „შემსყიდველს“ ატყობინებს 10 (ათი) დღით ადრე ახალი საფასო პოლიტიკის ძალაში შესვლამდე. „შემსყიდველი“ უფლებამოსილია, არ დაეთანხმოს ახალი საფასო პოლიტიკით ურთიერთობის გაგრძელებას, რის შესახებაც მან დაუყოვნებლივ უნდა აცნობოს „მიმწოდებელს“. ამ უკანასკნელ შემთხვევაში, ხელშეკრულების მოქმედება ითვლება შეწყვეტილად, თუ „მიმწოდებელი“ კვლავ არ გამოთქვამს სურვილს მოქმედი საფასო პოლიტიკით ურთიერთობის გაგრძელებაზე.
- 5.6. „მყიდველი“ ანგარიშსწორებას ახდენს ლარში, „გამყიდველის“ მიერ საგადასახადო ანგარიშ-ფაქტურის გამოწერისა და შესაბამისი მიღება-ჩაბარების აქტის გაფორმების დღიდან არაუგვიანეს 14 (თოთხმეტი) კალენდარულ დღეში. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე [კონსიგნაციის ვადა];
- 5.7. „გამყიდველის“ წინასწარი მოთხოვნის შემთხვევაში „მყიდველი“ ვალდებულია წინასწარ წარმოადგინოს საბანკო გარანტია „გამყიდველისათვის“ მისაღები ფორმით, რომლის ვადაც არანაკლებ 10 (ათი) დღისა უნდა აღემატებოდეს კონსიგნაციის ვადას.
- 5.8. „მყიდველი“ მიერ გადახდის ვალდებულება შესრულებულად ჩაითვლება ანაზღაურების სრული თანხის წინამდებარე ხელშეკრულების M-10 მუხლში მითითებულ „მიმწოდებლის“ საბანკო ანგარიშზე ჩარიცხვის მომენტიდან.
- 5.9. ვადაგადაცილებულად ჩაითვლება დავალიანება, თუ „მყიდველი“ არ დაფარავს „გამყიდველის“ მიმართ არსებულ დავალიანებას ამ „ხელშეკრულების“ პუნქტი 5.6.-ში მითითებულ ვადაში.



5.10. „მყიდველის“ მიერ გადახდის შეთანხმებული ვად(ებ)ის გადაცილების შემთხვევაში (როდესაც „მყიდველი“ არ აანაზღაურებს ან არასრულად აანაზღაურებს შეძენილი საწვავის ღირებულებას), „მიმწოდებელი“ უფლებამოსილია დაარიცხოს და მისთხოვოს „მყიდველს“ პირგასამტებლო ასანაზღაურებული თანხის 0,5%-ის ოდენობით ყოველ ვადაგადაცილებულ დღეზე. იმ შემთხვევაში, თუ „მყიდველის“ მხრიდან წინამდებარე „ხელშეკრულებით“ განსაზღვრული გადახდის რომელიმე ვალდებულება იქნება დარღვეული/ვადაგადაცილებული ერთ თვეზე მეტი ხნის ვადით, „მიმწოდებელი“ უფლებამოსილია ამ მუხლში ზემოთ მოცემულ პირგასამტებლოსთან ერთად, ჯარიმის სახით დაკისროს „მყიდველს“ იმ პერიოდში ვალუტის კურსის ან/და საწვავის საბაზრო (საერთაშორისო ან/და ადგილობრივი) ფასის ცვლილებით მიღებული ზარალის/ზიანის სრული ოდენობა. ამასთანავე, მხარეები თანხმდებან, რომ წინამდებარე „ხელშეკრულების“ ამ პუნქტით განსაზღვრული წებისმიერი პირგასამტებლოს/ჯარიმის დაკისრება წარმოადგენს მხარის უფლებას და არა ვალდებულებას. პირგასამტებლოს მიღების უფლება მოპოვებულად ითვლება და შესაბამისი თანხა ექვემდებარება გადახდას დამრღვევი მხარისათვის წინასწარი წერილობითი მოთხოვნის საფუძველზე. ამასთან, პირგასამტებლოს დარიცხვა განხორციელება მოთხოვნის წარმოშობის მომენტიდან, მიუხედავად წერილობითი მოთხოვნის თარიღისა;

5.11. წინამდებარე ხელშეკრულების დაფინანსების წყარო - აზიური ფაროსანას წინააღმდეგ გასატარებელი ღონისძიებების ფარგლებში, სურსათის ეროვნული სააგენტოსათვის, 2019 წლის სახელმწიფო ბიუჯეტიდან გამოყოფილი სახსრები.

6. ხელშეკრულების მოქმედების ვადა

6.1. წინამდებარე „ხელშეკრულება“ ძალაში შედის მხარეთა მიერ მისი ხელმოწერის დღიდან და მოქმედებს „მხარეთა“ მიერ ნაკისრი ვალდებულებების სრულად შესრულებამდე.

6.2. „მიმწოდებელი“ უფლებამოსილია ერთი კვირით ადრე გაზიარებილი წერილობითი შეტყობინების საფუძველზე ვადამდე შეწყვიტოს წინამდებარე „ხელშეკრულება“. ასეთი შეწყვეტა არ ჩაითვლება ხელშეკრულების დარღვევად. ამასთანავე, „ხელშეკრულების“ წებისმიერი მხარე უფლებამოსილია ცალმხირვად, ვადამდე შეწყვიტოს ამ ხელშეკრულების მოქმედება, თუ მეორე მხარე ვერ ან არაჯეროვნად ასრულებს „ხელშეკრულებით“ ნაკისრ ვალდებულებებს. „ხელშეკრულების“ შეწყვეტა არ ათავისუფლებს მხარეებს შეწყვეტამდე არსებული ფინანსური ვალდებულებების შესრულებისაგან;

7. ფორს მაჟორი

7.1. მხარეები თავისუფლდებიან პასუხისმგებლობისაგან ამ „ხელშეკრულებით“ გათვალისწინებული ვალდებულებების შეუსრულებლობის ან არაჯეროვანი შესრულებისთვის, თუ აღნიშნული შეუსრულებლობა/არაჯეროვანი შესრულება გამოწვეული იყო დაუძლეველი ძალით/გარემოებებით, რომელთა დადგომისას/არსებობისას მხარე, მისგან დამოუკიდებელი მიზეზების გამო, მოკლებული იყო შესაძლებლობას ჯეროვნად შეესრულებინა ამ „ხელშეკრულებით“ გათვალისწინებული ვალდებულებები. აღნიშნულ დაუძლეველ გარემოებებს განკუთვნება (მაგრამ არ შემოიფარგლება): ყველა სახის სტიქიური უბედურება მიწისმვრა, წყალდიდობა, ეპიდემია, პანდემია, აჯანყება, საბოტაჟი, ბლოკადა, საომარი მოქმედება, სამოქალაქო ომი, ომი, საქართველოს კანონმდებლობაში მომზადარი ცვლილებები (ფორს-მაჟორული გარემოებები). მხარე რომელსაც შეეხება ამგვარი ფორს-მაჟორული გარემოებები ვალდებულია მეორე მხარეს გონივრულ ვადაში (მაგრამ არა უგვიანეს 5 სამუშაო დღისა) წერილობით აცნობოს ფორს-მაჟორული გარემოებების დადგომის შესახებ.

7.2. ფორს-მაჟორული მდგომარეობ(ებ)ის დასრულებისთვავე, მხარეები ვალდებული არიან სრულად აღადგინონ (გააგრძელონ) ამ „ხელშეკრულებით“ განსაზღვრული უფლება-მოვალეობების შესრულება. მხარეები თანხმდებიან, რომ თუკი ამგვარი ფორს-მაჟორული გარემოება გრძელდება 3 (სამი) თვეზე მეტ ხანს ნებისმიერი მხარე უფლებამოსილია გაგზავნილი წერილობითი შეტყობინების საფუძველზე შეწყვიტოს წინამდებარე „ხელშეკრულება“.

8. დავების გადაწყვეტა

8.1. მხარეები მიიღებნ ყველა ზომას, რათა ამ „ხელშეკრულებიდან“ გამომდინარე ყველა სადავო საკითხი გადაწყდეს მოლაპარაკების გზით.

8.2. საკითხის მოლაპარაკების საფუძველზე გადაწყვეტის შეუძლებლობის შემთხვევაში, ყველა სახის დავა, რომლებიც წარმოიშობა მხარეებს ან მათ წარმომადგენლებს შორის, განიხილება საქართველოს კანონმდებლობით დადგენილი წესით.

8.3. მხარეები თანხმდებიან, რომ ამ „ხელშეკრულებიდან“ გამომდინარე, ან მასთან დაკავშირებული წებისმიერი დავა, უთანხმოება ან მოთხოვნა, მათ შორის ამ „ხელშეკრულების“ შესრულების, დარღვევის, შეწყვეტის, ან ბათილობის საკითხი, განსახილველად და საბოლოო გადაწყვეტილების მისაღებად გადაეცემა თბილისის საქალაქო სასამართლოს.

9. ხელშეკრულების უზრუნველყოფის გარანტია

„გამარტივებული შესყიდვის კრიტერიების განსაზღვრისა და გამარტივებული შესყიდვის ჩატარების წესის დამტკიცების თაობაზე“ შესყიდვების სააგენტოს თავმჯდომარის 2015 წლის 17 აგვისტოს N13 ბრძანების მე-11 მუხლის მე-2 პუნქტის შესაბამისად, „მიმწოდებელი“ განთავისუფლებული იქნა ხელშეკრულების უზრუნველყოფის გარანტიის წარდგენისაგან, მისი საქმიანი რეპუტაციის, მომსახურების ხარისხისა და ცნობადობის გათვალისწინებით.



10. სხვა პირობები

- 10.1. ყოველგვარი გაუგებრობის თავიდან აცილების მიზნით, მხარეები თანხმდებიან, რომ „მყიდველის“ მიერ საწვავის მოთხოვნილი რაოდენობის ღირებულების „გამყიდველისათვის“ ანგარიშზე საწვავის შესყიდული რაოდენობის გააქტიურებისას, მხარეთა შორის დამატებით რაიმე მიღება-ჩაბარების აქტი არ გაფორმდება (თუ ამ „ხელშეკრულებით“ სხვა რამ არ არის გათვალისწინებული) და „მყიდველის“ მხრიდან ანგარიშ-ფაქტურის ელექტრონულად დადასტურება იქნება „მყიდველისათვის“ საწვავის საკუთრებაში გადაცემის საკამრისი პირობა. ყოველივე ზემოთ აღნიშნულიდან გამომდინარე, „მყიდველს“ არ აქვს და არ ექნება რაიმე სახის პრეტენზია აღნიშნულ საკითხთან დაკავშირებით.
- 10.2. „ხელშეკრულებას“ დანართის სახით ახლავს პლასტიკური ბარათის მოხმარების ინსტრუქცია. „ხელშეკრულებაზე“ ხელის მოწერით „მყიდველი“ ადასტურებს რომ სრულად გაეცნო აღნიშნულ ინსტრუქციას და არ გააჩნია და მომავალში არ შეიძლება, რომ გააჩნდეს რაიმე სახის პრეტენზია აღნიშნულ საკითხთან დაკავშირებით.
- 10.3. „მყიდველი“ ვალდებულია, დაიცვას აღნიშნული ხელშეკრულების კონფიდენციალურობა და არ გადაანდოს მასთან დაკავშირებული ინფორმაცია მესამე პირს (პირებს).
- 10.4. ამ „ხელშეკრულებაში“ ცვლილებების შეტანა შესაძლებელია მხარეთა ურთიერთშეთანხმებით. ამ „ხელშეკრულების“ ყველა დამატება და ცვლილება უნდა შესრულდეს ამ „ხელშეკრულების“ ფორმის დაცვით;
- 10.5. ამ „ხელშეკრულების“ რომელიმე პუნქტის ბათილად ცნობა არ იწვევს მთელი „ხელშეკრულების“, ან მისი სხვა პუნქტების ბათილობას;
- 10.6. ეს „ხელშეკრულება“ შედგენილია თანაბარი იუდირიული ძალის მქონე 3 (სამი) იდენტურ ეგზემპლარად, რომელთაგან ერთი რჩება „გამყიდველს“, ხოლო ორი ეგზემპლარი გადაეცემა „მყიდველს“.

11. მხარეთა რეკვიზიტები და ხელმოწერები:

შპს „სან პეტროლიუმ ჯორჯია“

იურიდიული მისამართი: ქ. თბილისი,

ი. ჭავჭავაძის გამზ., #34, სართ. #6

საიდენტიფიკაციო კოდი: 404391136

ბანკი: სს „საქართველოს ბანკი“-ს ც/ფ

ბანკის კოდი: BAGAGE22

ანგარიშის # GE08BG0000000876831002

ბანკი: სს „თიბისი ბანკი“-ს ც/ფ

ბანკის კოდი: TBCBGE22

ანგარიში # GE37TB7538836020100007

„გამყიდველის“ სახელით

სსიპ „სურსათის ეროვნული საგენტო“

იურიდიული მისამართი: ქ. თბილისი, მარშალ

გელოვანის ქ. #6

საიდენტიფიკაციო კოდი: 205142200

ბანკი: სახელმწიფო ბაზინა

ბანკის კოდი: 220101222

ანგარიშის # 200122900

„მყიდველის“ სახელით

თეონა ონიგაძე

ვასილ ბასილაძე

